



Na osnovu člana 3. Odluke o obilježavanju "Dječije nedjelje" u Kantonu Sarajevo za 2024. godinu, broj: 13-03/1-31-42025/24 od 13.09.2024. godine, ministrica za rad, socijalnu politiku, raseljena lica i izbjeglice Kantona Sarajevo, objavljuje

**JAVNI POZIV**  
**za dodjelu finansijske podrške djeci oboljeloj od malignih bolesti u okviru obilježavanja**  
**“Dječije nedjelje” u Kantonu Sarajevo za 2024. godinu**

**I - PREDMET**

"Dječija nedjelja" u Kantonu Sarajevo za 2024. godinu (u daljem tekstu: "Dječija nedjelja") realizovati će se u periodu od 07. do 13. oktobra 2024. godine na način da će se putem provođenja Javnog poziva dodijeliti finansijska podrška djeci oboljeloj od malignih bolesti koja imaju prebivalište na području Kantona Sarajevo.

**II - PRAVO UČEŠĆA**

(1) Na Javni poziv za dodjelu finansijske podrške djeci oboljeloj od malignih bolesti u okviru obilježavanja "Dječije nedjelje" u Kantonu Sarajevo za 2024. godinu (u daljem tekstu: Javni poziv) se mogu prijaviti roditelji, staratelji ili usvojitelji djece koja boluju od maligne bolesti starosti do 18. godina, odnosno punoljetne djece koja boluju od maligne bolesti starosti do 26. godina života ukoliko su na redovnom školovanju, a imaju prebivalište na području Kantona Sarajevo.

(2) Za djecu mlađu od godinu dana pravo prijave imaju roditelji, staratelji ili usvojitelji koji imaju prebivalište na području Kantona Sarajevo najmanje godinu dana neposredno prije podnošenja prijave na Javni poziv.

**III - DOKUMENTACIJA POTREBNA ZA PRIJAVU NA JAVNI POZIV**

Uz prijavu na Javni poziv dostavlja se:

- a) medicinska dokumentacija kojom se dokazuje da dijete boluje od maligne bolesti (original ili ovjerena kopija),
- b) CIPS-ova prijava prebivališta za dijete (original ili ovjerena kopija ne starija od 3 mjeseca),
- c) izvod iz matične knjige rođenih djeteta (original ili ovjerena kopija ne starija od 3 mjeseca),
- d) uvjerenje o kretanju za podnosioca prijave (original ili ovjerena kopija ne starija od 3 mjeseca),
- e) dokaz o starateljstvu ili usvojenju djeteta (original ili ovjerena kopija ne starija od 3 mjeseca),
- f) kopija bankovnog računa roditelja, staratelja ili usvojitelja djeteta (original ili ovjerena kopija ne starija od 3 mjeseca) i



g) dokaz o redovnom školovanju za djecu od starosti od 18. do 26. godine života djece koja boluju od maligne bolesti (original ili ovjerena kopija ne starija od 3 mjeseca).

**IV** - Javni poziv za obilježavanje "Dječije nedjelje" će se objaviti na web stranici Ministarstva za rad, socijalnu politiku, raseljena lica i izbjeglice Kantona Sarajevo [www.mrsri.ks.gov.ba](http://www.mrsri.ks.gov.ba) i u najmanje jednim dnevnim novinama koje se distribuiraju na području Bosne i Hercegovine.

**V** - Prijave za dodjelu sredstava se podnose u zatvorenoj koverti na Protokol Kantona Sarajevo ili poštom na adresu: Ministarstvo za rad, socijalnu politiku, raseljena lica i izbjeglice Kantona Sarajevo, ulica Reisa Džemaludina Čauševića broj 1., Sarajevo, sa naznakom "Prijava na Javni poziv za obilježavanje "Dječije nedjelje" u Kantonu Sarajevo za 2024. godinu - ne otvaraj".

**VI** - Rok za podnošenje prijave za dodjelu sredstava po Javnom pozivu je 8 (osam) dana od dana posljednje objave.

**VII** - Za provođenje postupka po Javnom pozivu za obilježavanje "Dječije nedjelje" u Kantonu Sarajevo za 2024. godinu, ministrica rješenjem imenuje Komisiju.

**VIII** - Podnosiocima prijave po javnom pozivu dopušta se izjavljivanje prigovora. Prigovor se podnosi ministrici u roku od 3 (tri) dana od dana prijema obavijesti. Prigovor ne odlaže izvršenje odluke.

**IX** - Rezultati Javnog poziva objavit će se na internet stranici Ministarstva [www.mrsri.ks.gov.ba](http://www.mrsri.ks.gov.ba) i putem Registra transfera neprofitnim organizacijama i pojedincima za finansiranje i sufinansiranje aktivnosti/programa/projekata iz Budžeta Kantona Sarajevo.

**X** - Roditelj, staratelj ili usvojitelj je dužan da finansijski podršku namjenski utroši za potrebe djeteta koje boluje od maligne bolesti i o tome dostavi izvještaj ovom ministarstvu.

**XI** - Doznačavanje odobrenih sredstava aplikantima vrši se nakon donošenja odluka u skladu sa operativnim planom i raspoloživim sredstvima u Budžetu Kantona Sarajevo.

Broj: 13-03/1-31-42025-1/24  
Sarajevo, 13.09.2024. godine



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/2